

वेत्य॑ सावि॒चा॒न्नवे॒त्या॒ इति॑ । तमा॒गत्य॑ पप्रच्छ । आ॒चा॒र्य्यो मा॒ प्राहै॑षीत् । वेत्य॑ सावि॒चा॒न्नवे॒त्या॒ इति॑ । स॒होवा॑च वेदेति ॥ ३ ॥

स कस्मिन् प्रतिष्ठित इति । प॒रो र॑ज॒सीति॑ । कस्त॒द्यत्प॒रो र॑जा इति । ए॒ष वा॒व स प॒रो र॑जा इति होवा॒च । य ए॒ष तप॑ति । ए॒षो र्वाग्र॑जा इति । स कस्मिन्त्वे॒ष इति॑ । स॒त्य इति॑ । किं तत्स॒त्यमि॑ति । तप॒ इति॑ ॥ ४ ॥

कस्मिन्नु तप॒ इति॑ । ब॒ल इति॑ । किं तद्ब॒लमि॑ति । प॒राण॑ इति । मास्म॑ प॒राणम॑तिपृच्छ इति मा॒चा॒र्य्योऽब्र॑वीदिति होवा॒च ब्र॑ह्मचा॒री । स॒होवा॑च स॒क्षो द॒य्यां पा॑तिः । यद्वै ब्र॑ह्मचा॒रिन् प॒राणम॑त्यप्रक्ष्यः । मूर्ध्ना ते व्यप॑तिष्यत् । अ॒हमु॑त आ॒चा॒र्य्याच्छे॑यान् भविष्यामि । यो मा सा॒वि॒त्रे स॒मवा॑दिष्टेति ॥ ५ ॥

तस्मात् सावि॒त्रे न सं॑वदेत । स यो ह वै सा॒वि॒त्रं वि॒दुषा॑ सावि॒त्रे सं॑वदेते । स॒हास्मि॒ञ्छ्रियं॑ दधाति । अनु॒हवा॑ अ॒स्मा अ॒सौ तप॑ञ्छ्रियं मन्यते । अ॒न्वस्मै॑ श्रीस्तपो॑ मन्यते । अ॒न्वस्मै॑ तपो॑ बलं मन्यते । अ॒न्वस्मै॑ बलं॑ प॒राणं॑ मन्यते । स यदा॑ह । स॒ज्ज्ञानं॑ वि॒ज्ञानं॑ दर्श॑दृष्टेति । ए॒ष ए॒व तत् ॥ ६ ॥